

խնամ տանելոյ՝ առաք զմոխիրն հեղաք ի բաց. վասն զի զայն ի նորին¹ սպասաւորացն տեսանէաք հանապազաւր, կրելով ցանկ² զմոխիրն եւ հեղ-լով յերկիր: 7 Բայց որպէս չարախաւսացն մերոց իմացուցեալ է ձեզ զմենջ, թէ առեալ զկրակն ի ջուր վարեցին՝ յայդմ բնաւ իսկ չէ արժան արդարադատութեանդ ցասնուլ մեզ եւ առ մահապարտս ունել, այլ գովութեան եւ պատուի առնել արժանի: 8 Չի թէ արդարեւ ըստ ձեր բանիցդ, զոր լուեալ է յուսուցչացն ձերոց՝ խաւսիք, եւ ճշմարիտ է վկայութիւնն այն, [եւ] զի եղբայր է ջուր կրակի՝ մեր ոչ միայն զի անցուցեալ չէ եւ վնասեալ զկրակն, այլ եւ մեծարեալ է զնա եւ բարի արարեալ: 9 Արդ՝ թէ արժանի մահու են՝ այնոքիկ են արժանի, որ թողին եւ արհամարհեցին զկրակն եւ զնացին, եւ ոչ մեք, որ առաք եւ յեղբայր նորին տուաք, զի պահեսցէ սիրելապէս եւ բազում շքեղութեամբ, եւ ի ժամու տացէ ի բաց»:

ԽԴ. Ըստ սմին աւրիւնակի պատուիասեալ հարցանելին եւ զայլ սուրբ քահանայսն Աստուծոյ, զսուրբն Յովսէփ, զարդարել զկաթողիկոսն Հայոց, եւ զսուրբ եպիսկոպոսն Ըռըշտունեաց զտէր Սահակ, եւ զամենասուրբ երեցն զտէր Ղեւոնդ, եւ զայլ սուրբ քահանայսն, որք էին ընդ նոսա ի հարցմանն. զսուրբն Մուշէ Աղբակացի, որ էր դրան երեց իշխանին Արծրունեաց Ներշապիոյ, եւ զսուրբն զԱրշէն երեցն, որ էր ի գաւառէն Բագրեւանդայ³, ի գեղջէն որ կոչի Եղեգեակ, եւ զսուրբ սարկաւազն զԶաջաջ, որ էր եւ նա ի գաւառէն Ռշտունեաց, աշակերտ սրբոյ եպիսկոպոսին Սահակայ, թէ «Ո՞րպիսի աներկիւղ համարձակութեամբ, անձամբ ի վերայ թշուառացեալ անձանց ձերոց զայդչափ բազում մահապարտութիւնն դիգեալ կուտեցէք⁴. աւերեցէք զատրուշանսն. սպանեցէք զայնպիսի ճոխ կրականի⁵, որ յաստուածոց շնորհեալ Արեաց աշխարհիս ի պահպանութիւն վատ եւ վնասակար իրաց, որ ի թշնամեաց ուստեք դիմեալ⁶ յարձակելին ի վերայ մեր եւ ամենայն կողմանց՝ այն կրականւոյն անվնաս պահեալ էր զմեզ եւ պահելին: 2 Սպանէք զմոգեանն. կորուսէք ձերով կախարդութեամբ զայնպիսի քաջ այր զՎարդան, զի յաւգտակարութիւն էր⁷ Արեաց տեառն. եւ զմեծամեծ գործոց նորա յիշումն առ Արեաց աշխարհին, զոր բազում զաւրագլուխք եւ այլ Արիք յիշեն, ընդ որս նորա կռիւ⁸ եղեալ էր, այլ եւ զոր իւր իսկ աստուածանման տեառն իւրովք աչաւք տեսեալ էր ի Մարվիռոտ՝ զնորա քաջասու-

1 Ձ. զնորին

2 Ձ. ցանկ

3 Ձ. բագեւանդայ

4 Ձ. կուտէք

5 Ձ. կրակնի

6 ՏՏ. չիք դիմեալ

7 ՏՏ. օգտակարութիւն էր

8 Ատ. ընդ որս նորա եւ կռիւ. ԲԳտ. ընդ որս եւ նորա կռիւ